

17 мая 2018 года. Вознесение Господне.

## ВСЕНОЩНОЕ БДЕНИЕ

### ВЕЛИКАЯ ВЕЧЕРНЯ

**Диакон:** Востаните!

**Хор:** Высокопреосвященнейший владыко благослови.

**Иерей:** Слава Святэй, и Единосущней, и Животворящей, и Нераздельней Троице всегда, ныне и присно, и во веки веков.

**Хор:** Аминь.

**Священнослужители в алтаре:**

Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

Приидите, поклонимся и припадём Ему.

**Псалом 103, предначинательный:**

**Хор:** Благослови, душе моя, Господа./ Благословен еси, Господи./ Господи, Боже мой, возвеличился еси зело./ Благословен еси, Господи./ Вся премудростию сотворил еси./ Слава Ти, Господи, сотворившему вся.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

**ВЕЛИКАЯ ЕКТЕНИЯ:**

**Диакон:** Миром Господу помолимся.

**Хор:** Господи, помилуй.

**Диакон:** О Свѣшнем мире и спасѣнии душ наших, Господу помолимся.

О мире всего мира, благостоянии Святых Божиих Церквей и соединении всех, Господу помолимся.

О святем храме сем и с верою, благоговением и страхом Божиим входящих в оны, Господу помолимся.

О великом Господине и Отце нашем Святѣйшем Патриархе **Кирилле**, и о Господине нашем, Высокопреосвященнейшем митрополите *(или: архиепископе, или: преосвященнейшем епископе **имярек**)*, честнем пресвитерстве, во Христе диаконстве, о всем причте и людех, Господу помолимся.

О Богохранимем стране нашей, властех и воинстве ея, Господу помолимся.

О граде сем *(или о веси сей)*, всяком граде, стране и верою живущих в них, Господу помолимся.

О благорастворении воздушных, о изобилии плодов земных и временех мирных, Господу помолимся.

О плавающих, путешествующих, недугующих, страждущих, плененных и о спасении их. Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Яко подобает Тебе всякая слава честь и поклонение, Отцу и Сыну и Святому Духу, ныне и присно и во веки веков.

**Хор:** Аминь.

**ГОСПОДИ, ВОЗВѢХЪ, ГЛАСЪ БЪ:**

**Хор:**        **Господи, возвѣхъ к Тебѣ, услыши мя./ Услыши мя, Господи./ Господи, возвѣхъ к Тебѣ, услыши мя:/ вонми гласу молѣния моего,/ внигда воззвати ми к Тебѣ./ Услыши мя, Господи.**

**Да исправится молитва моя,/ яко кадило пред Тобою,/ воздеяние руку мою/ – жертва вечерняя./ Услыши мя, Господи.**

**Чтец:**        *Стихиры Праздника, гласъ Бъ:*

**На 10. Стих:**    **Изведи из темницы душу мою, // исповѣдатися имени Твоему.**

**Стихира:**        **Господь вознесѣся на небеса, / да пошлет Утѣшителя миру: / небеса уготоваша престолъ Его, / облацы восхождѣние Его. / Ангели дивятся, Человека зряще превыше себе. / Отецъ ждет, Егѣже в недрахъ имать соприносущна: / Духъ же Святыи велитъ всемъ ангеломъ Его: / возьмите врата князи ваши, / вси языцы воспещите руками, // яко взыде Христосъ, идеже бе прежде.**

**Стих:**        **Менѣ ждутъ праведницы, // дондеже воздаси мене.**

**Стихира:**        **Господь вознесѣся на небеса, / да пошлет Утѣшителя миру: / небеса уготоваша престолъ Его, / облацы восхождѣние Его. / Ангели дивятся, Человека зряще превыше себе. / Отецъ ждет, Егѣже в недрахъ имать соприносущна: / Духъ же Святыи велитъ всемъ ангеломъ Его: / возьмите врата князи ваши, / вси языцы воспещите руками, // яко взыде Христосъ, идеже бе прежде.**

**На 8. Стих:**    **Из глубины возвѣхъ к Тебѣ, Господи, // Господи, услыши глас мой.**

**Стихира:**        **Господи, Твоему вознесѣнию удивишася херувими, / зряще Тебѣ Бога на облацехъ восходяща, на нихъ сядящаго: / и славимъ Тя, яко блага милость Твоя, // слава Тебѣ.**

**Стих:**        **Да будутъ уши Твои // внимлюще гласу молѣния моего.**

**Стихира:**        **Господи, Твоему вознесѣнию удивишася херувими, / зряще Тебѣ Бога на облацехъ восходяща, на нихъ сядящаго: / и славимъ Тя, яко блага милость Твоя, // слава Тебѣ.**

**На 6. Стих:**    **Аще беззакония назириши, Господи, Господи, кто постоит? // Яко у Тебѣ очищѣние есть.**

**Стихира:**        **На горахъ святыхъ зряще Твое вознесѣние, Христѣ, / сияние славы Отчи, / воспеваемъ Твой светообразный лица зрак, / кланяемся страстемъ Твоимъ, / почитаемъ воскресѣние, / славное вознесѣние славяще: // помилуй нас.**

**Стих:**        **Имене ради Твоего потерпѣхъ Тя, Господи, потерпѣ душа моя в слово**

**Твое, // уповá душа моя на Господа.**

**Стихира:** На горáх святых зряще Твое вознесение, Христé, / сияние славы Отчи, / воспеваем Твой светообразный лица зрак, / кланяемся страстем Твоим, / почитаем воскресение, / славное вознесение славяще: // помилуй нас.

**На 4. Стих:** От стражи утренняя до нощи, от стражи утренняя, // да уповаёт Израиль на Господа.

**Стихира:** Господи, апостоли яко видеша Тя, на облацех возносима, / рыданием слез, Жизнодавче Христé, скорби исполняеми, / рыдающе глаголаху: / Владыко, не остави нас сирых, / ихже за милосердие возлюбил еси рабы Твоя, / яко благоутробен, / но послй якоже обеща́л еси нам, / Пресвятаго Твоего Духа, // просвещающа души наша.

**Стих:** Яко у Господа милость, и многое у Него избавление, // и Той избавит Израйля от всех беззаконий его́.

**Стихира:** Господи, апостоли яко видеша Тя, на облацех возносима, / рыданием слез, Жизнодавче Христé, скорби исполняеми, / рыдающе глаголаху: / Владыко, не остави нас сирых, / ихже за милосердие возлюбил еси рабы Твоя, / яко благоутробен, / но послй якоже обеща́л еси нам, / Пресвятаго Твоего Духа, // просвещающа души наша.

**На 2. Стих:** Хвалите Господа вси языцы, похвалите Его́ вси людие.

**Стихира:** Господи, смотрения совершив таинство, / поим Твоя ученики на гору Елеонскую, / возносился еси, / и се твердь небесную прошёл еси, / мене ради обнищавый по мне, / и возше́д отонудуже не разлучился еси, / Всесвятаго Твоего Духа низпосли, // просвещающа души наша.

**Стих:** Яко утвердися милость Его́ на нас, и истина Господня пребывает во век.

**Стихира:** Господи, смотрения совершив таинство, / поим Твоя ученики на гору Елеонскую, / возносился еси, / и се твердь небесную прошёл еси, / мене ради обнищавый по мне, / и возше́д отонудуже не разлучился еси, / Всесвятаго Твоего Духа низпосли, // просвещающа души наша.

**Слава Отцу́ и Сыну́ и Святому́ Духу́ и ны́не и присно́ и во ве́ки веко́в. Ами́нь.**

**Стихира:** Недр Отческих не разлучься, сладчайший Иисусе, / и с земными яко

Человѣк пожѣв,/ днесь от горы Елеѳнскія вознеслся еси во славе,/ и падшее естество наше милостивно вознес,/ Отцу спосади еси./ Тѣмже небеснии безплѳтных чѣнове,/ чудеси удивляющесе, ужасахуса ужасом,/ и трѣпетом содержи ми, Твое человеколюбие величаху./ С нимиже и мы земнии,/ еже к нам Твое снисхождѣние,/ и еже от нас вознесѣние славослѳвяще,/ молимся глаголюще:/ ученики, и рѳждшую Тя Богородицу,/ радости безчисленныя исполнивый во Твое вознесѣние,/ и нас сподѳби избранных Твоих радости, молитвами их, // великия ради Твоея милости.

**ВХОД С КАДИЛОМ:**

**Диакон:** Премудрость, прѳсти.

**СВѢТЕ ТИХИЙ:**

**Хор:** Свете Тихий святыя славы Безсмертнаго Отца Небеснаго, Святаго, Блаженнаго, Иисусе Христѣ! Пришедше на запад солнца, видевше свет вечерний, поем Отца, Сына и Святаго Духа, Бога. Достѳин еси во вся времена пет быти гласы преподѳбными, Сыне Божий, живѳт дай; тѣмже мир Тя славит.

**Диакон:** Вѳннем.

**Иерей:** Мир всем.

**Хор:** И духови твоему.

**ПРОКИМЕН ДНЯ (В СРЕДУ ВѢЧЕРА):**

**Диакон:** Премудрость вѳннем. Прокимен, глас **пятыи**:

Бѳже, во имя Твое спаси мя, / и в силе Твоей суди ми.

**Хор:** Бѳже, во имя Твое спаси мя, / и в силе Твоей суди ми.

**Диакон:** Бѳже, услыши молитву мою, внуши глаголы уст моих.

**Хор:** Бѳже, во имя Твое спаси мя, / и в силе Твоей суди ми.

**Диакон:** Бѳже, услыши молитву мою,

**Хор:** Внуши глаголы уст моих.

**ПАРЕМИИ ПРАЗДНИКА:**

**Диакон:** Премудрость.

**Чтец:** Прорѳчества Исаиина чтѣние.

**Диакон:** Вѳннем.

*(глава 2:)*

**Чтец:** Тако глаголет Господь: будет в последняя дни явлена гора Господня, и дом Божий на версѣх гор, и вознесѣтся превѣше холмов, и приидут на ню вси языцы. И пойдут людие мнози, и рекут: приидите взыдем на гору Господню, и в дом Бога Иаковля, и возвестит нам путь Свой, и пойдѣм по нему.

**Диакон:** Премудрость.

**Чтец:** Пророчества Исаиина чтение.

**Диакон:** Вбнем.  
(глава 62:)

**Чтец:** Тако глаголет Господь: поидите и внидите враты Мои, уготовите путь Мой, и путь творите людем Моим, и каменья от пути размещите, вознесите знамение на языки. Се бо Господь сотвори слышано даже до последних земли: рцыте дщери Сионове, се Спаситель твой приходит, имея с Собою мзду, и дело Его пред лицом Его. И прозовет я люди святы, избавлены от Господа: ты же наречешься взысканный град, и не оставленный. Кто Сей пришедый из Едома, обращение риз Его от Восога? Сей красен во одежде Своей, вопиет с крепостию велию: Аз глаголю правду, и суд спасения. Почто ты обращены ризы, и одежды твоя яко от истоптания точила исполнены истоптания? Точило истоптах един, и от язык несть муж со Мною. Милость Господню помянух, добродетели Господни во всех, имиже нам воздавает. Господь, судия благий дому Израилеву, наносит нам по милости Своей, и по множеству правды Своея. И рече: не людие ли Мои; чада не отвергут ли ся? И бысть им во спасение от всякия скорби их. Не ходатай, ниже Ангел, но Сам Господь спасе их: за еже любити их, и щадети их, Сам избави их, и восприят их, и вознесе их во вся дни века.

**Диакон:** Премудрость.

**Чтец:** Пророчества Захариина чтение.

**Диакон:** Вбнем  
(глава 14:)

**Чтец:** Тако глаголет Господь: се день грядет Господень, и станут ноге Его в день оный на горе Елеонстей, прямо Иерусалима, от восток солнца. И в день оный изыдет вода жива из Иерусалима, пол ея в море первое, и пол ея в море последнее: в жатву и в весну будет тако. И будет Господь Царь по всей земли, в день оный будет Господь Един. Имя Его едино, окружающее всю землю и пустыню, от Гавы даже до Реммона, противу хребту Иерусалимлю: и вознесется, и на месте пребудет, от врат Вениаминовых, даже до места дверей первых, даже до врат угольных, и даже до столпа Анамейлева, даже до подточий царевых, обитают в нем: и анафема не будет ктому, и вселится Иерусалим надеяйся.

#### ЕКТЕНИЯ СУГУБАЯ:

**Диакон:** Рцем вси от всея души, и от всего помышления нашего рцем.

**Хор:** Гóсподи, помíлуй.

**Диáкон:** Гóсподи Вседержителю, Бóже отéц нáших, мóлим Ти ся, услыши и помíлуй.

**Хор:** Гóсподи, помíлуй.

**Диáкон:** Помíлуй нас, Бóже, по велицей мíлости Твоей, мóлим Ти ся, услыши и помíлуй.

**Хор:** Гóсподи, помíлуй. *(Трíжды, на каждое прошение)*

**Диáкон:** Ещé мóлимся о Великом Господíне и Отце нáшем Святéйшем Патриárхе **Кирилле**, и о Господíне нáшем Высокопреосвящённейшем митрополíte *(или: архиепископе, или: преосвящённейшем епископе **имярек**)*, и всей во Христé брáтии нáшей.

Ещé мóлимся о Богохранímей странé нáшей, властéх и вóинстве ея, да тíхое и безмóлвное житиé поживём во всяком благочéстии и чистотé.

Ещé мóлимся о блажённых и приснопáмятных создáтелей святáго хрáма сегó, и о всех преждепочívших отцéх и брáтиях, zde лежáщих и повсюду, православных.

Ещé мóлимся о мíлости, жízни, мíре, здрáвии, спасéнии, посещéнии, прощéнии и оставлéнии грехóв рабóв Бóжих настоятеля, брáтии и прихожан святáго хрáма сегó.

Ещé мóлимся о плодоносящих и добродéющих во святém и всечестнém хрáме сем, труждающихся, поющих и предстоящих людéх, ожидающих от Тебé великия и богáтыя мíлости.

**Иерей:** **Яко Мíлостив и Человеколюбец Бог еси, и Тебé славу возсылаём, Отцу и Сыну и Святому Духу, ныне и присно и во веки веков.**

**Хор:** **Ами́нь.**

#### Сподóби, Гóсподи:

**Хор:** **Сподóби, Гóсподи, в вéчер сей без грехá сохранítися нам. Благословén еси, Гóсподи, Бóже отéц нáших, и хвáльно и прослáвлено íмя Твое во вéки. Ами́нь.**

**Бúди, Гóсподи, мíлость Твоя на нас, якоже упováхом на Тя. Благословén еси, Гóсподи, научí мя оправдáнием Твоím. Благословén еси, Влады́ко, вразумí мя оправдáнием Твоím. Благословén еси, Святый, просветí мя оправдáнии Твоими.**

**Гóсподи, мíлость Твоя во век, дел руку́ Твоею не прézри. Тебé подобáет хвалá, Тебé подобáет пéние, Тебé слáва подобáет. Отцу́ и Сыну́ и Святому́ Духу, ныне и присно и во вéки веков. Ами́нь.**

#### ЕКТЕНИЯ ПРОСИТЕЛЬНАЯ:

**Диáкон:** **Испóлним вечернюю молíтву нáшу Гóсподеви.**

**Хор:** **Гóсподи, помíлуй.**

**Диáкон:** **Заступí, спасí, помíлуй и сохрани нас, Бóже, Твоею благодáтию.**

**Хор:** **Гóсподи, помíлуй.**

**Диáкон:** **Вéчера всего́ совершénна, свята, мирна и безгрéшна у Гóспода прóсим.**

**Хор:** **Подáй, Гóсподи. *(На каждое прошение)***

**Диáкон:** **А́нгела мирна, вёрна настáвника, хранítеля душ и телéс нáших, у Гóспода прóсим.**

**Прощéния и оставлéния грехóв и прегрешéний нáших у Гóспода прóсим.**

**Дóбрых и полéзных душáм нáшим и мíра мíрови у Гóспода прóсим.**

**Прóчее врэмя животá нáшего в мíре и покая́нии скончáти у Гóспода прóсим.**

**Христиáнския кончíны животá нáшего, безболéзненны, непосты́дны, мíрны и дóбраго**



ответа на Страшнем Судищи Христове просим.

**Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себя, и друг друга, и весь живот наш Христу Богу предадим.**

**Хор:** Тебе, Господи.

**Иерей:** Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

**Хор:** Аминь.

**Иерей:** Мир всем.

**Хор:** И духови твоему.

**Диакон:** Главы наша Господеви приклоним.

**Хор:** Тебе, Господи.

**Иерей:** Буди держава Царствия Твоего благословена и препрославлена. Отца и Сына и Святого Духа, ныне и присно и во веки веков.

**Хор:** Аминь.

### Лития:

*Стихиры праздника:*

*Глас 1:*

**Хор** Возшед на небеса, отонудуже и сошел еси, / не остави нас сирых Господи: / да придет Твой Дух,нося мир миру, / покажи сыном человеческим дела силы Твоея, // Господи Человеколюбче.

**Диакон:** Спаси, Боже, люди Твоя и благослови достояние Твое, посети мир Твой милостию и щедротами, возвыси рог христиан православных и низпосли на ны милости Твоя богатыя, молитвами всепречистыя Владычицы наша Богородицы и Приснодевы Марии, силою Честнаго и Животворящаго Креста, предстательства честных Небесных Сил бесплотных, честнаго, славнаго пророка, Предтечи и Крестителя Иоанна, святых славных и всехвальных Апостол, иже во святых отец наших и вселенских великих учителей и святителей, Василия Великаго, Григория Богослова и Иоанна Златоустаго, иже во святых отец нашего Николая, архиепископа Мирликийскаго, чудотворца, святых равноапостольных Мефодия и Кирилла, учителей словенских, святых равноапостольных великаго князя Владимира и великия княгини Ольги, иже во святых отец наших: святителя Михаила, первого митрополита Киевскаго, первосвятителей Московских и всея Руси: Петра, Алексия, Ионы, Макария, Филиппа, Иова, Еромея и Тихона, митрополитов Московских Филарета, Иннокентия и Макария. Святых, славных и добропобедных мучеников, новомучеников и исповедников Российских: Владимира, митрополита Киевскаго, Вениамина, митрополита Петроградскаго, Петра, митрополита Крутицкого, Илариона, архиепископа Верейскаго, святых царственных страстотерпцев, преподобномучениц великия княгини Елисаветы и инокини Варвары, преподобных и богоносных отец наших, преподобных отец старцев Оптинских, святых праведных Иоанна Кронштадтскаго и Алексия Московскаго, святых блаженных Ксении Петербуржския и Матроны Московския, святых и праведных богоотец Иоакима и Анны *(и святаго имярек, егоже есть храм и егоже есть день)*, и всех святых. Молим Тя, многомилостиве Господи, услыши нас, грешных, молящихся Тебе, и помилуй нас.

**Хор:** Гóсподи, помíлуй. (40 раз)

**Диáкон:** Ещѣ мо́лимся о Вели́ком Госпо́дине и отце́ на́шем Святе́йшем Патриáрхе Кирилле, и о госпо́дине на́шем преосвященнейшем митрополи́те (или архиеписко́пе, или еписко́пе имярек) и о всем во Христе́ бра́тстве на́шем, и о всякой души́ христиа́нстей, скорбящей же и озлобленной, мило́сти Бо́жия и по́мощи тре́бующей; о покрове́нии гра́да сего́, и живу́щих в нем, о ми́ре, и состоя́нии всего́ мира; о благостоя́нии святы́х Бо́жиих церквѣй; о спасе́нии и по́мощи со тща́нием и стра́хом Бо́жиим тружда́ющихся и служа́щих оте́ц и бра́тий на́ших; о оста́вленных и во отше́ствии су́щих; о исцеле́нии в немо́щих лежа́щих; о успе́нии, осла́бе, блаже́нной па́мяти и о оста́влении грехо́в всех пре́ждеотше́дших оте́ц и бра́тий на́ших, зде лежа́щих и повсю́ду правосла́вных; о изба́влении плене́нных, и о бра́тиях на́ших во слу́жбах су́щих, и о всех служа́щих и служив́ших во святе́м хра́ме сем рцем.

**Хор:** Гóсподи, помíлуй. (50 раз)

**Диáкон:** Ещѣ мо́лимся о е́же сохра́ниться гра́ду сему́, и свято́му хра́му сему́, и вся́кому гра́ду и стране́, от гла́да, губи́тельства, тру́са, пото́па, огня́, мечá, нашест́вия иноплеме́нников и междоусо́бныя бра́ни; о е́же мило́стиву и благоуве́гливу бы́ти благо́му и человеколю́биво́му Бо́гу на́шему, отврати́ти вся́кий гнев на ны дви́жимый, и изба́вити ны от нале́жащаго и пра́веднаго Своего́ пре́щения и поми́ловати ны.

**Хор:** Гóсподи, помíлуй. (Три́жды)

**Диáкон:** Ещѣ мо́лимся и о е́же услы́шати Гóсподу Бо́гу глас молéния нас, греш́ных, и поми́ловати нас.

**Хор:** Гóсподи, помíлуй. (Три́жды)

**Иерей:** Услы́ши ны, Бо́же, Спа́сителю наш, упова́ние всех конце́в земли́ и су́щих в мо́ри далече, и мило́стив, мило́стив бу́ди, Влады́ко, о гресéх на́ших, и помíлуй ны. Мило́стив бо и человеколю́бец Бог еси́, и Тебе́ сла́ву возсыла́ем, Оте́ц, и Сы́ну, и Свято́му Ду́ху, ны́не и прísно, и во ве́ки веко́в.

**Хор:** Ами́нь.

**Иерей:** Мир всем.

**Хор:** И ду́хови твоему́.

**Диáкон:** Главы́ ва́ша Гóсподеви приклоните́.

**Хор:** Тебе́, Гóсподи.

**Иерей:** Влады́ко много́милостиве, Гóсподи Иису́се Христе́, Бо́же наш, моли́твами всепречи́стыя Влады́чицы на́шей Богоро́дицы и Присноде́вы Мари́и, си́лою Честна́го и Животворя́щаго Креста́, предста́тельства честны́х Небе́сных Си́л безплотных, честна́го, сла́внаго проро́ка, Предте́чи и Крестите́ля Иоáнна, святы́х сла́вных и всехва́льных Апóстол, и́же во святы́х оте́ц на́ших и вселе́нских вели́ких учи́телей и святи́телей, Васи́лия Вели́каго, Григо́рия Богосло́ва и Иоáнна Златоуста́го, и́же во святы́х отца́ на́шего Никола́я, архиеписко́па Мирликийскаго, чудотво́рца, святы́х равноапóстольных Мефо́дия и Кири́лла, учи́телей словéнских, святы́х равноапóстольных вели́каго кня́зя Влади́мира и вели́кия княги́ни Ольги, и́же во святы́х оте́ц на́ших: святи́теля Михаи́ла, пѣрвого митрополи́та Кие́вскаго, первосвяти́телей Моско́вских и всея́ Руси́: Петра́, Алексѣя, Ио́ны, Мака́рия, Фили́ппа, Ио́ва, Ергоме́на и Ти́хона, митрополи́тов Моско́вских Филаре́та, Иннокéнтия и Мака́рия. Святы́х, сла́вных и добропобѣ́дных му́чеников, новому́чеников и испове́дников Росси́йских: Влади́мира, митрополи́та Кие́вскаго, Вениа́мина, митрополи́та



Петроградского, Петра, митрополита Крутицкого, Илариона, архиепископа Верейского, святых царственных страстотерпцев, преподобномучениц великия княгини Елисаветы и инокини Варвары, преподобных и богоносных отец наших, преподобных отец старцев Оптинских, святых праведных Иоанна Кронштадтского и Алексия Московского, святых блаженных Ксении Петербургския и Матроны Московския, святых и праведных богоотец Иоакима и Анны *(и святого имярек, егоже есть храм и егоже есть день)*, и всех святых. благоприятну сотвори молитву нашу, даруй нам оставление прегрешений наших, покрый нас кровом крилу Твоею, отжени от нас всякаго врага и супостата, умири нашу жизнь. Господи, помилуй нас и мир Твой, и спаси души наша, яко благ и человеколюбец.

**Хор:** АМИНЬ.

**СТИХИРЫ НА СТИХОВНЕ:**

**Чтец:** Стихиры праздника, глас 2:

**Стихира:** Родился еси яко Сам восхотел еси, / явился еси яко Сам избвлил еси: / пострадал еси плотию Бже наш, / из мертвых воскресл еси поправ смерть. / Вознеслся еси во славе, всяческая исполняя, / и послал еси нам Духа Божественнаго, / еже воспевати и славити Твое Божество.

**МОЛИТВА СЯГО СИМЕОНА БОГОПРИИМЦА**

**Хор:** Ныне отпускаеши раба Твоего, Владыко, / по глаголу Твоему, с миром; / яко видеста очи мои спасение Твое, / еже еси уготовал пред лицем всех людей, / свет во откровение языков, // и славу людей Твоих Израиля.

**Чтец:** Трисвятое. Пресвятая Троице... Отче наш...

**Иерей:** Яко Твое есть Царство и сила и слава Отца и Сына и Святаго Духа, ныне и присно и во веки веков.

**Хор:** АМИНЬ.

**ТРОПАРЬ ПРАЗДНИКА, ГЛАС 4:**

**Хор:** Вознеслся еси во славе, Христе Бже наш, / радость сотворивый учеником, / обетованием Святаго Духа, / извещенным им бывшим благословением, // яко Ты еси Сын Божий, Избавитель мира. *(Трижды)*

**БЛАГОСЛОВЕНИЕ ХЛЕБОВ:**

**Диакон:** Господу помолимся.

**Хор:** Господи, помилуй.

**Иерей:** Господи Иисусе Христе Бже наш, благословивый пять хлебов и пять тысяч насытивый, Сам благослови и хлебы сия, пшеницу, вино и елей; и умножи сия во граде сем и во всем мире Твоем; и вкушающыя от них верныя освяти. Яко Ты еси благословляяй и освящяяй всяческая, Христе Бже наш, и Тебе славу возсылаем, со Безначальным Твоим Отцем, и Всесвятым, и Благим, и Животворящим Твоим Духом, ныне и присно и во веки веков.

**Хор:** АМИНЬ. Буди Имя Господне благословено от ныне и до века. *(Трижды)*

### ПСАЛОМ 33:

**Хор:** **Б**лагословлю Господа на всякое время,/ выину хвалá Его во устéх моих./ О Господе похвалится душа моя,/ да услышат крóтцыи, и возвеселятcя./ Возвеличите Господа со мною,/ и вознесём Имя Его вкупе./ Взыска́х Господа, и услыша мя,/ и от всех скорбей моих изба́ви мя./ Приступите к Немú, и просветитесь,/ и лица ва́ша не постыдятся./ Сей нищий воззва́, и Господь услыша и,/ и от всех скорбей его спасе́ и./ Ополчйтся а́нгел Господень о́крест боящихся Его,/ и изба́вит их./ Вкусите и видите, яко благ Господь:/ блаже́н муж, иже упова́ет Нань./ Бóйтесь Господа, вси святи́и Его,/ яко несть лишéния боящимся Его./ Богáтии обнища́ша и взалка́ша:/ зыска́ющии же Господа// не лишáтся всякаго блага.

**Иерей:** **Б**лагословéние Господне на вас, Тогó благодáтию и человеколю́бием, всегда́, ны́не и прísно и во вéки веко́в.

**Хор:** **А**ми́нь.

### УТРЕНЯ.

**Хор:** **С**лава в вы́шних Бо́гу, и на земли́ мир, в челове́цех благово́ление. *(Три́жды)*  
**Г**осподи, устне мои́ отвэ́рзеши, и уста́ моя́ возвестя́т хвалу́ Твою́. *(Два́жды)*

**Чтец:** **Псалом 3**

**Г**осподи, что ся умно́жиша стужа́ющии ми? Мно́зи востаю́т на мя, мно́зи глаго́лют души́ мое́й: несть спасéния ему́ в Бóзе его́. Ты же, Господи, Засту́пник мой еси́, сла́ва моя́ и вознося́й главу́ мою́. Гла́сом моим ко Господу́ воззва́х, и услыша́ мя от горы́ святы́я Своея́. Аз усну́х, и спях, воста́х, яко́ Господь заступит мя. Не убою́ся от тем люде́й, о́крест нападающих на мя. Воскресни́, Господи, спаси́ мя, Бóже мой, яко́ Ты порази́л еси́ вся вражду́ющыя ми всúе: зу́бы грéшников сокруши́л еси́. Господне́ есть спасéние, и на люде́х Твои́х благословéние Твое́.

**А**з усну́х, и спях, воста́х, яко́ Господь заступит мя.

### Псалом 37

**Г**осподи, да не я́ростию Твое́ю обличи́ши мене́, ниже́ гнэ́вом Твоим нака́жеши мене́. Яко́ стрéлы Твоя́ унзо́ша во мене, и утверди́л еси́ на мене́ ру́ку Твою́. Несть исцелéния в плóти мое́й от лица́ гнэ́ва Твоего́, несть ми́ра в костéх моих от лица́ грех моих. Яко́ беззакóния моя́ превзыдо́ша главу́ мою́, яко́ брéмя тяжкое́ отяготéша на мене. Возсмердéша и согни́ша ра́ны моя́ от лица́ безúмия моего́. Пострада́х и сляко́хся до конца́, весь день сéтуя хождáх. Яко́ лядвия́ моя́ напо́лнишася поругáний, и несть исцелéния в плóти мое́й. Озло́блен бых и смири́хся до зела́, рыка́х от въздыхáния сёрдца моего́. Господи, пред Тобóю все желáние моё́ и въздыхáние моё́ от Тебé не утайся. Сёрдце́ моё́ смятéся, оста́ви мя си́ла моя́, и свет óчию́ моею́, и той несть со мною́. Друзи́ мои́ и и́скреннии мои́

прямо мне приближишься и стáша, и ближнии мой отдалече мене стáша и нуждахуся ищущии дúшу мою, и ищущии злáя мне глаголаху сúетная и льстíвным весь день поучáхуся. Аз же яко глух не слы́шах и яко нем не отверзáяй уст своих. И бых яко человек не слы́шай и не имýй во устéх своих обличéния. Яко на Тя, Гóсподи, упováх, Ты услы́шиши, Гóсподи Бóже мой. Яко рех: да не когда порáдуют ми ся вразí мой: и внегда подвижáтися ногáм моím, на мя велерéчеваша. Яко аз на рáны готóв, и болéзнь моя предо мною есть вы́ну. Яко беззакóние моé аз возвещú и попекúся о гресé моём. Вразí же мой живúт и укрепíшася пáче мене, и умно́жишася ненави́дящии мя без прáвды. Воздаю́щии ми злáя возблагáя оболгáху мя, занé гоня́х благосты́ню. Не оста́ви мене, Гóсподи Бóже мой, не отступи́ от мене. Вонми́ в по́мощь мою, Гóсподи спасéния моего́.

Не оста́ви мене, Гóсподи Бóже мой, не отступи́ от мене. Вонми́ в по́мощь мою, Гóсподи спасéния моего́.

### Псалом 62

Бóже, Бóже мой, к Тебé úтреннюю, возжада́ Тебé душа́ моя, коль мно́жищею Тебé плоть моя́, в земли́ пúсте и непроходне, и безводне. Та́ко во святéм явíхся Тебé, видети́ силу́ Твою́ и сла́ву Твою́. Яко лучши́ мило́сть Твоя́ пáче живóт, устне́ мой похвалите́ Тя. Та́ко благословлю́ Тя в животé моём, о имени́ Твоём воздежу́ рúце мой. Яко от ту́ка и ма́сти да испóлнится душа́ моя́, и устна́ма ра́дости восхва́лят Тя уста́ моя́. А́ще помина́х Тя на постéли моéй, на úтренних поучáхся в Тя. Яко был еси́ Помóщник мой, и в кро́ве крилу́ Твоею́ возра́дуюся. Прильпе́ душа́ моя́ по Тебé, мене́ же прият десни́ца Твоя́. Тии́ же всúе иска́ша дúшу мою́, вни́дут в преиспóдняя земли́, преда́дутся в рúки ору́жия, ча́сти ли́совом бúдут. Царь же возвеселится́ о Бóзе, похвалится́ всяк клены́йся Им, яко заградíшася уста́ глаголющих неправедная́.

На úтренних поучáхся в Тя. Яко был еси́ Помóщник мой, и в кро́ве крилу́ Твоею́ возра́дуюся. Прильпе́ душа́ моя́ по Тебé, мене́ же прият десни́ца Твоя́.

**Сла́ва, и ны́не: Аллилу́иа. (Трижды)**

**Гóсподи, помíлуй. (Трижды) Сла́ва, и ны́не:**

И исходит священник от олтаря и глаголет молитвы утренния тайно, стояй непокровен пред святыми дверьми.

### Псалом 87

Гóсподи Бóже спасéния моего́, во дни воззва́х, и в но́щи пред Тобо́ю. Да вни́дет пред Тя моли́тва моя́: приклони́ úхо Твое́ к молéнию моему́, яко испóлнится зол душа́ моя́, и живóт мой аду прибли́жися. Привменён бых с низходя́щими в ров, бых яко человек без по́мощи, в мёртвых свобóдь, яко я́звеннии спя́щии во грóбе, ихже не помяну́л еси́ ктому́, и тии́ от руки́ Твоея́ отринóвени бы́ша. Положи́ша мя в рóве

преисподнем, в тёмных и сени смёртней. На мне утвердися ярость Твоя, и вся волны Твоя навёл еси на мя. Удалил еси знаемых моих от мене, положиша мя мерзость себе: предан бых и не исхождах. Очи мои изнемогосте от нищеты, возвах к Тебе, Господи, весь день, вздох к Тебе руже мой. Еда мертвыми твориши чудеса? Или врачеве воскресят, и исповедятся Тебе? Еда повесть кто во гробе милость Твою, и истину Твою в погибели? Еда познана будут во тьме чудеса Твоя, и правда Твоя в земли забвенней? И аз к Тебе, Господи, возвах и утро молитва моя предварит Тя. Вскую, Господи, отречи душу мою, отвращаеши лице Твое от мене? Нищ есмь аз, и в трудех от юности моея; вознес же ся, смирихся, и изнемогах. На мне преидоша гнѣви Твои, устрашения Твоя возмутisha мя, обидоша мя яко вода, весь день одержаша мя вкупе. Удалил еси от мене друга и искреняго, и знаемых моих от страстей.

Господи Боже спасения моего, во дни возвах, и в нощи пред Тобою. Да внидет пред Тя молитва моя: приклони ухо Твое к молению моему.

### Псалом 102

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко орля юность твоя. Твори милостины Господь, и судьбу всем обидимым. Сказал пути Свой Моисею, сыновом Израилевым хотения Своя: Щедр и Милостив Господь, Долготерпелив и Многомилостив. Не до конца прогневается, ниже во век враждует, не по беззаконию нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящи слово Его, услышати глас словес Его. Благословите Господа вся Силы Его, слуги Его, творящи волю Его. Благословите Господа вся дела Его, на всяком месте владычества Его, благослови, душе моя, Господа.

На всяком месте владычества Его, благослови, душе моя, Господа.

### Псалом 142

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не

оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвые века. И уны во мне дух мой, во мне смятёся сердце моё. Помянух дни древния, поучихся во всех делах Твоих, в творениях руку Твоею поучахся. Воздох к Тебе рuce мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне завтра милость Твою, яко на Тя уповах. Скажи мне, Господи, путь вонже пойду, яко к Тебе взял душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведёши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

Дух Твой Благий наставит мя на землю праву.

**Слава, и ныне: Аллилуиа. (Трижды)**

#### ВЕЛИКАЯ ЕКТЕНИЯ:

**Диакон:** Мiром Господу помолимся.

**Хор:** Господи, помилуй. *(На каждое прошение)*

**Диакон:** О Свышнем мире и спасении душ наших, Господу помолимся.

О мире всего мира, благостоянии Святых Божиих Церквей и соединении всех, Господу помолимся.

О святем храме сем и с верою, благоговением и страхом Божиим входящих в оны, Господу помолимся.

О великом Господине и Отце нашем Святейшем Патриархе **Кирилле**, и о Господине нашем, Высокопреосвященнейшем митрополите *(или: архиепископе, или: преосвященнейшем епископе **имярек**)*, честнем пресвитерстве, во Христе диаконстве, о всем причте и людех, Господу помолимся.

О Богохранимем стране нашей, властех и воинстве ея, Господу помолимся.

О граде сем *(или о веси сей)*, всяком граде, стране и верою живущих в них, Господу помолимся.

О благорастворении воздушных, о изобилии плодов земных и временах мирных, Господу помолимся.

О плавающих, путешествующих, недугующих, страждущих, плененных и о спасении их. Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Яко подобает Тебе всякая слава честь и поклонение, Отцу и Сыну и Святому Духу, ныне и присно и во веки веков.

**Хор:** Аминь.

**Бог Господь, ГЛАС 4:**

**Диакон:** Бог Господь, и явился нам, благословен Грядый во Имя Господне.

**Стих 1:** Исповедайтесь Господеви, яко благ, яко в век милость Его.

**Хор:** Бог Господь, и явился нам, благословен Грядый во Имя Господне.

*(И далее на каждый стих)*

**Стих 2:** Обышедше обыдоша мя, и Именем Господним противляхся им.

**Стих 3:** Не умру, но жив буду, и повем дела Господня.

**Стих 4:** Камень, Егже небрегоша зждущии, Сей бысть во главу угла, от Господа бысть Сей, и есть дивен во очесех наших.

**ТРОПАРЬ ПРАЗДНИКА, ГЛАС 4:**

**Хор:** Вознеслся еси во славе, Христе Боже наш, / радость сотворивый учеником, / обетованием Святаго Духа, / извещенным им бывшим благословением, // яко Ты еси Сын Божий, Избавитель мира. *(Дважды)*

**Слава Отцу и Сыну и Святому Духу и ныне и присно и во веки веков. Аминь.**

**ТРОПАРЬ ПРАЗДНИКА, ГЛАС 4:**

Вознеслся еси во славе, Христе Боже наш, / радость сотворивый учеником, / обетованием Святаго Духа, / извещенным им бывшим благословением, // яко Ты еси Сын Божий, Избавитель мира.

**КАФИЗМЫ:**

**Хор:** Господи, помилуй. *(Трижды)*

**Слава Отцу и Сыну и Святому Духу.**

**Чтец:** И ныне и присно и во веки веков. **Аминь.**

**КАФИЗМА ТРИНАДЦАТАЯ:**

**Псалом 91:**

Благо есть исповедатися Господеви, и пети имени Твоему, Вышний: возвещати заутра милость Твою и истину Твою на всяку ночь, в десятиструннем псалтири с песнию в гуслах. Яко возвеселил мя еси, Господи, в творении Твоем, и в делах руку Твоею возрадуюся. Яко возвеличишася дела Твоя, Господи, zelo углубишася помышления Твоя. Муж безумен не познает, и неразумив не разумет сих. Внегда прозябоша грешницы яко трава, и проникоша вси делающие беззаконие: яко да потребятся в век века. Ты же Вышний во век, Господи. Яко се врази Твои, Господи, яко се врази Твои погибнут, и разйдутся вси делающие беззаконие. И вознесется яко единорога рог мой, и старость моя в елени мастите. И воззрет око мое на враги моя, и востающыя на мя лукавнующыя услышит ухо мое. Праведник яко финикс процветет, яко кедр, иже в Ливане, умножится. Насаждени в дому Господни, во дворех Бога нашего процветут, еще умножатся в старости мастите, и благоприемлюще будут. Да возвестят,



яко прав Господь Бог наш, и несть неправды в Нем.

**Псалом 92:**

Господь воцарися, в лепоту облечеса: облечеса Господь в силу и препоясая, ибо утверди вселенную, яже не подвижится. Готов Престол Твой оттоле: от века Ты еси. Воздвигоша реки, Господи, воздвигоша реки гласы своя. Возмут реки сотрениа своя, от гласов вод многих. Дивны высоты морския, дивен в высоких Господь. Свидения Твоя уверишася зело, дому Твоему подобаает святыня, Господи, в долготу дней.

**Псалом 93:**

Бог отмщений Господь, Бог отмщений не обинулся есть. Вознесися Судьяй земли, воздаждь воздаяние гордым. Доколе грешницы, Господи, доколе грешницы восхвалятсся? Провещают и возглаголют неправду, возглаголют вси делающии беззаконие? Люди Твоя, Господи, смириша и достояние Твое озлобиша. Вдовицу и сира умориша и пришельца убиша, и реша: не узрит Господь, ниже уразумеет Бог Иаковль. Разумейте же безумнии в людех и буии некогда умудритесь. Насаждей ухо, не слышит ли? Или создавый око, не сматрывает ли? Наказуяй языки, не обличит ли, учай человека разуму? Господь весть помышления человеческая, яко суть суетна. Блажен человек, егже аще накажеша, Господи, и от закона Твоего научиши его, укротити его от дней лютых, дондеже изрыется грешному яма. Яко не отринет Господь людей Своих, и достояния Своего не оставит, дондеже правда обратится на суд, и держащиися ея вси правии сердцем. Кто востанет ми на лукавнующыя? Или кто спредстанет ми на делающыя беззаконие? Аще не Господь помог бы ми, в мале вселилася бы во ад душа моя. Аще глаголах, подвижеся нога моя, милость Твоя, Господи, помогаше ми. По множеству болезней моих в сердце моем, утешения Твоя возвеселиша душу мою. Да не прибудет Тебе престол беззакония, созидаый труд на повеление. Уловят на душу праведнича, и кровь неповинную осудят. И бысть мне Господь в прибежище, и Бог мой в помощь упования моего. И воздаст им Господь беззаконие их и по лукавствию их погубит я Господь Бог (наш).

**Чтец:** Слава Отцу и Сыну и Святому Духу.

**Хор:** И ныне и присно и во веки веков. **Аминь.**

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

**Чтец:** И ны́не и прѣсно и во ве́ки веко́в. Ами́нь.

**Псалом 94:**

**П**рииді́те, возра́дуемся Го́сподеви, воскликнем Бо́гу Спасі́телю на́шему: предва́рим лице́ Его́ во испове́дании, и во псалме́х воскликнем Ему́. Я́ко Бог Ве́лий Госпо́дь, и Царь Ве́лий по всей землі́, я́ко в руце́ Его́ вси концы́ землі́, и высоты́ гор Того́ суть. Я́ко Того́ есть мо́ре, и Той сотвори́ е́, и су́шу руце́ Его́ созда́сте. Прииді́те, поклоні́мся и припаде́м Ему́, и воспла́чемся пред Го́сподем сотво́ршим нас: я́ко Той есть Бог наш, и мы лю́дие па́жити Его́, и о́вцы руки́ Его́. Днесь а́ще глас Его́ услы́шите, не ожесточи́те серде́ц ва́ших, я́ко в прогнѣвании, по дни́ искуше́ния в пусты́ни, во́ньже искуси́ша Мя отцы́ ва́ши, искуси́ша Мя, и ви́деша дела́ Моя́. Четы́редесять лет негодова́х ро́да того́, и рех, прѣсно заблужда́ют се́рдцем, тѣи же не позна́ша путе́й Мои́х, я́ко кля́хся во гнѣве Моём, а́ще вни́дут в поко́й Мой.

**Псалом 95:**

**В**оспо́йте Го́сподеви песнь но́ву, воспойте Го́сподеви вся земля́, воспойте Го́сподеви, благослови́те и́мя Его́, благовести́те день от дне спасе́ние Его́. Возвести́те во язы́цах сла́ву Его́, во всех лю́дех чудеса́ Его́. Я́ко Ве́лий Госпо́дь и хва́лен зело́, стра́шен есть над все́ми бо́ги. Я́ко вси бо́зи язы́к бе́сове: Госпо́дь же небеса́ сотвори́. Испове́дание и красота́ пред Ним, святы́ня и великолѣпие во святы́ле Его́. Принесі́те Го́сподеви оте́чества язы́к, принесі́те Го́сподеви сла́ву и честь. Принесі́те Го́сподеви сла́ву и́мени Его́, возмі́те же́ртвы, и вході́те во дворы́ Его́. Поклоні́тесь Го́сподеви во дворе́ святе́м Его́, да подви́жится от лица́ Его́ вся земля́. Рцы́те во язы́цах, я́ко Госпо́дь воцари́ся, и́бо испра́ви вселѣ́нную, я́же не подви́жится: су́дит лю́дем пра́востию. Да возвеселя́тся небеса́, и ра́дуется земля́, да подви́жится мо́ре и исполне́ние его́. Возра́дуются поля́, и вся я́же на них: тогда́ возра́дуются вся древа́ дубра́вная от лица́ Господня́, я́ко гряде́т, я́ко гряде́т суди́ти землі́, суди́ти вселѣ́нной в пра́вду, и лю́дем и́стиною Своёю.

**Псалом 96:**

**Г**оспо́дь воцари́ся, да ра́дуется земля́, да веселя́тся о́строви мно́зи. О́блак и мрак о́крест Его́, пра́вда и судьба́ исправле́ние Престо́ла Его́. О́гнь пред Ним предъі́дет, и попа́лит о́крест враги́ Его́. Освети́ша мо́лния Его́ вселѣ́нную: ви́де, и подви́жется земля́. Го́ры я́ко воск раста́яша от лица́ Господня́, от лица́ Го́спода всея́ землі́. Возвести́ша небеса́ пра́вду Его́, и

видеша вси людие славу Его. Да постыдятся вси кланяющиеся истуканным, хвалящиеся о идолах своих, поклонитесь Ему вси Ангели Его. Слыша и возвеселися Сион, и возрадовашася дщери Иудейския, судеб ради Твоих, Господи, яко Ты Господь Вышний над всею землею, зело превознеслся еси над всеми боги. Любящии Господа, ненавидите злая, хранит Господь души преподобных Своих, из руки грешници избавит я. Свет возсия праведнику, и правым сердцем веселие. Веселитесь, праведнии, о Господе и исповедайте память Святыни Его.

**Чтец:** Слава Отцу и Сыну и Святому Духу.

**Хор:** И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

**Чтец:** И ныне и присно и во веки веков. Аминь.

**Псалом 97:**

Воспойте Господеву песнь нову, яко дивна сотвори Господь. Спасе Его десница Его, и мышца святая Его. Сказа Господь спасение Свое, пред языки откры правду Свою. Помяну милость Свою Иакову, и истину Свою дому Израилеву, видеша вси концы земли спасение Бога нашего. Воскликните Богу вся земля, воспойте, и радуйтесь, и пойте. Пойте Господеву в гуслах, в гуслах и гласе псаломсте. В трубах кованных и гласом трубы рожаны вострубите пред Царем Господем. Да подвижится море и исполнение его, вселенная и вси живущии на ней. Реки воспещут рукою вкупе, горы возрадуются. От лица Господня, яко грядет, яко идет судити земли, судити вселенней в правду, и людем правостию.

**Псалом 98:**

Господь воцарися, да гневаются людие: седяй на Херувимех, да подвижится земля. Господь в Сионе велик, и высок есть над всеми людьми. Да исповедятся имени Твоему великому, яко страшно и свято есть. И честь царева суд любит: Ты уготовал еси правоты, суд и правду во Иакове Ты сотворил еси. Возносите Господа Бога нашего, и поклоняйтесь подножию ногу Его, яко свято есть. Моисей и Аарон во иереех Его, и Самуил в призывающих имя Его: призываху Господа, и Той послушаше их. В столпе облачне глаголаше к ним: яко храняху свидения Его и повеления Его, яже даде им. Господи Боже наш, Ты послушал еси их: Боже, ты милостив бывал еси им, и мщяя на вся начинания их. Возносите Господа Бога нашего, и

поклоняйтесь в горé святёй Егó, яко Свят Господь Бог наш.

**Псалом 99:**

**Воскликните** Бóгови вся земля, работайте Гóсподеви в веселии, внидите пред Ним в радости. Уведите, яко Господь той есть Бог наш: Той сотвори нас, а не мы, мы же людие Егó и овцы пажити Егó. Внидите во врата Егó во исповедании, во дворы Егó в пениих: исповедайтесь Ему, хвалите имя Егó. Яко благ Господь, в век милость Егó, и да́же до рóда и рóда истина Егó.

**Псалом 100:**

**Милость** и суд воспою Тебé, Гóсподи. Пою и разумёю в пути непорóчне, когда приидеши ко мне? Прехождáх в незлóбии сёрдца моего посреде́ дóму моего. Не предлагáх пред очима моима вещь законопреступную: творящяя преступлénие возненавидех. Не прильпé мне сёрдце строптíво, уклоняющагося от менé лукаваго не познах. Оклеветáющаго тай искренняго своего, сего́ изгонях: гóрдым óком, и несýтым сёрдцем, с сим не ядях. Очи мой на вёрныя земли, посаждáти я со мною: ходяй по пути непорóчну, сей ми служáше. Не живяше посреде́ дóму моего́ творяй гóрдыню, глаголяй неправедная, не исправляше пред очима моима. Во úтрия избивáх вся грешныя земли, ёже потребíти от града Господня вся дéлающяя беззакóние.

**Чтец:** Сла́ва Отцу́ и Сыну и Свято́му Ду́ху и ны́не и прýсно и во ве́ки веко́в. **Ами́нь.**  
**Аллилу́иа, аллилу́иа, аллилу́иа, сла́ва Тебе́ Бо́же. (Трижды)**

**ЕКТЕНИЯ МАЛАЯ:**

**Диакон:** Па́ки и па́ки ми́ром Гóсподу помóлимся.

**Хор:** Гóсподи, помíлуй.

**Диакон:** Заступи́, спаси́, помíлуй и сохрани́ нас, Бо́же, Твоею́ благода́тию.

**Хор:** Гóсподи, помíлуй.

**Диакон:** Пресвяту́ю, Пречисту́ю, Преблагословенну́ю, Сла́вную Влады́чицу на́шу Богороди́цу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живóт наш Христу́ Бо́гу преда́дим.

**Хор:** Тебе́, Гóсподи.

**Иерей:** Я́ко Твоя́ держа́ва и Твое́ есть Ца́рство, и си́ла, и сла́ва, Отца́, и Сы́на, и Свята́го Ду́ха, ны́не и прýсно, и во ве́ки веко́в.

**Хор:** Ами́нь.

**СЕДАЛЕН, ГЛАС 1:**

**А́нгелом** дивящимся восхода́ страна́ному,/ и ученико́м ужаса́ющимся стра́шному взы́тия,/ возше́л еси́ со сла́вою яко Бог,/ и врата́ Тебе́ взя́шася Спа́се./ Сего́ ра́ди си́лы небесны́я дивля́хуся вопи́юще:/ сла́ва снизхожде́нию Твоему́ Спа́се,/ сла́ва ца́рствию Твоему́, // сла́ва вознесе́нию

Твоему, Еди́не Человеколю́бче.

**ПОЛИЕЛѢЙ:**

**Хор:** Хвалите Имя Господне, хвалите, раби́ Гóспода.

**Аллилу́иа, аллилу́иа, аллилу́иа.**

**Благословен Господь от Сиона, живый во Иерусалиме.**

**Аллилу́иа, аллилу́иа, аллилу́иа.**

**Исповедайтесь Гóсподеву, яко Благ, яко в век мѣлость Его́.**

**Аллилу́иа, аллилу́иа, аллилу́иа.**

**Исповедайтесь Бо́гу Небесному, яко в век мѣлость Его́.**

**Аллилу́иа, аллилу́иа, аллилу́иа.**

**ВЕЛИЧА́НИЕ ПРАЗДНИКА:**

**Духовенство:** Велича́ем Тя,/ Живода́вче Христé,/ и почита́ем е́же на Небеса́/ с пречи́стою Твоею Плото́ю// Божественное вознесение.

**Хор:** Велича́ем Тя,/ Живода́вче Христé,/ и почита́ем е́же на Небеса́/ с пречи́стою Твоею Плото́ю// Божественное вознесение.

**ПСАЛО́М ИЗБРА́ННЫЙ:**

**Хор:** **В**си язы́цы воспещи́те рука́ми, воскликните Бо́гу гла́сом ра́дования./ **Я**ко Господь Вы́шний стра́шен, Царь ве́лий по всей земли́./ **П**окори́ люди́ нам, и язы́ки под но́ги на́ша./ **В**зы́де Бог в воскликнове́нии, Господь во гла́се тру́бне./ **И** възы́де на херувимы́ и летé./ **И** възлетé на крилу́ ветренню́./ **В**озми́те врата́ кня́зи ва́ша, и возми́тесь врата́ ве́чная, и вни́дет Царь сла́вы./ **Г**осподь на небеси́ угото́ва престо́л Свой, и Ца́рство Его́ все́ми облада́ет./ **Р**ече́ Господь Гóсподеву моему́: седи́ одесну́ю Мене́, до́ндеже положу́ враги́ Твоя́ подно́жие ног Твои́х./ **П**оклони́тесь Ему́ вси а́нгели Его́./ **Б**ог седи́т на престоле́ святём Своём. И Той су́дит вселенней в пра́вду./ **П**ресто́л Твой, Бо́же, в век ве́ка./ **Я**ко взятся великолéпие Твое́ превы́ше небес́./ **В**ознеси́ся на небеса́, Бо́же, и по всей земли́ сла́ва Твоя́./ **К**то яко́ Господь Бог наш, на вы́соких живы́й./ **В**ознеси́ся, Гóсподи, си́лою Твоею́, воспоём и поём си́лы Твоя́.// **П**ойте Бо́гу на́шему, пойте, пойте Царе́ви на́шему, пойте.

**С**ла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. **А**ми́нь.

**Аллилу́иа, аллилу́иа, аллилу́иа, сла́ва Тебе́ Бо́же. (Два́жды)**

**Духовенство:** **Аллилу́иа, аллилу́иа, аллилу́иа,// сла́ва Тебе́, Бо́же. (Еди́ножды)**

**Велича́ем Тя,/ Живода́вче Христé,/ и почита́ем е́же на Небеса́/ с пречи́стою Твоею́**

**Плотию// Божественное вознесение.**

**ЕКТЕНИЯ МАЛАЯ:**

**Диакон:** Паки и паки миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатью.

**Хор:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Яко Благословися Имя Твое, и прославися Царство Твое, Отца и Сына и Святаго Духа ныне и присно и во веки веков.

**Хор:** Аминь.

**СЕДАЛЕН, ГЛАС 5:**

Сошедый с Небес на земная, / и долу лежащий во адове стражи, / совоскресивый яко Бог Адамов зрак, / вознесением Твоим Христе на небеса возвед, / престолу Отческому Твоему сосеждителя соделал еси, // яко милостив и Человеколюбец.

**СТЕПЕННА, ГЛАС 4:**

**1 Антифон:**

**Хор:** От юности моея / мнози берут мя страсти, / но Сам мя заступил // и спаси, Спасе мой.

Ненавидящий Сиона, / посрамится от Господа, / яко трава бо огнем // будете изсохше.

**Слава Отцу и Сыну и Святому Духу и ныне и присно и во веки веков. Аминь.**

Святым Духом / всяка душа живится, / и чистотою возвышается, // светлеется Тройческим единством, священнотайне.

**ПРОКИМЕН И ЧТЕНИЕ ЕВАНГЕЛИЯ:**

**Диакон:** Вонмем. Премудрость вонмем, прокимен, **глас четвертый:**

Взыде Бог в воскликновении, / Господь во гласе трубне.

**Хор:** Взыде Бог в воскликновении, / Господь во гласе трубне.

**Диакон:** Все языцы воспещите руками, воскликните Богу гласом радования.

**Хор:** Взыде Бог в воскликновении, / Господь во гласе трубне.

**Диакон:** Взыде Бог в воскликновении, /

**Хор:** Господь во гласе трубне.

**Диакон:** Господу помолимся.

**Хор:** Господи, помилуй.



**Иерей:** Яко Свят еси Бже наш, и Тебе славу воссылаем, Отцу и Сыну и Святому Духу, ныне и присно и во веки веков.

**Хор:** АМІНЬ.

**Диакон:** Всякое дыханіе да хвалит Господа.

**Хор:** Всякое дыханіе да хвалит Господа.

**Диакон:** Хвалите Бога во святых Его, хвалите Его во утвержении силы Его.

**Хор:** Всякое дыханіе да хвалит Господа.

**Диакон:** Всякое дыханіе.

**Хор:** Да хвалит Господа.

**Диакон:** И о сподобитися нам слышанию Святаго Евангелиа, Господа Бога молим.

**Хор:** Господи, помилуй. *(Трижды)*

**Диакон:** Премудрость, прости, услышим Святаго Евангелиа.

**Иерей:** Мир всем.

**Хор:** И духови твоему.

**Иерей:** От Марка Святаго Евангелиа чтение.

**Хор:** Слава, Тебе, Господи, слава Тебе.

**Диакон:** Вонмем.

*(Мк., зач. 71:)*

**Иерей:** Во время оно воскрес Иисус завтра, в первую субботу, явися прежде Марии Магдалини, из неяже изгна семь бесов. Она же шедши возвести с Ним бывшим, плачущимся и рыдающим. И они слышавше, яко жив есть, и виден бысть от нея, не яша веры. По сих же двема от них грядущема явися инем образом, идущема на село. И та шедша возвести ста прочим: и ни тема веры яша. Последи же возлежащим им единомунадесяте явися, и поноси неверствию их и жестосердию, яко видевшим Его востава не яша веры. И рече им: шедше в мир весь, проповедите Евангелие всей твари. Иже веру имет и крестится, спасен будет, а иже не имет веры, осужден будет. Знаменія же веровавшим сия последуют: именем Моим бесы ижденут; языки возглаголют новы; змия возмут; аще и что смертно испиют, не вредит их; на недужныя руки возложат, и здрави будут. Господь же убо, по глаголанию Его к ним, вознесся на небо, и седе одесную Бога. Они же изшедше проповедаша всюду, Господу поспешствующу и слово утвержающу последствующими знаменьями. Аминь.

**Хор:** Слава, Тебе, Господи, слава Тебе.

### ВОСКРЕСНАЯ ПЕСНЬ ПО ЕВАНГЕЛИИ, ГЛАС 6: <sup>1</sup>

**Хор:** Воскресение Христово видевшие,/ поклонимся Святому Господу Иисусу,/ Единому Безгрешному./ Кресту Твоему поклоняемся, Христе,/ и святое Воскресение Твое поем и славим:/ Ты бо еси Бог наш,/ разве Тебе иного не знаем,/ Имя Твое именуем./ Приидите, вси вернии,/ поклонимся святому Христову Воскресению:/ се бо прииде Крестом радость всему миру./ Всегда

---

*По традиции, Евангелие уносится в алтарь; помазание елеем совершается у иконы праздника.*

благословяще Господа,/ поём Воскресение Его:/ распятие бо претерпёв,/  
смертию смерть разруши. *(Единовременно)*

*Глас 6:*

**Хор:** **Слава Отцу и Сыну и Святому Духу./ Молитвами апостолов,  
Милостиве, очисти// множество согрешений наших.**

**И ныне и присно и во веки веков. Аминь./ Молитвами Богородицы,  
Милостиве, очисти// множество согрешений наших.**

**Помилуй мя, Боже,/ по велицей милости Твоей,/ и по множеству щедрот  
Твоих// очисти беззаконие моё.**

**СТИХИРА ПРАЗДНИКА, ГЛАС 6:**

**Д**несь на небесех горния силы наше естество зряще,/ дивящися  
страннаго образа восходу,/ недоумеваяхуся друг ко другу глаголюще:/ кто  
Сей пришедый?/ Видяще же своего Владыку,/ небесная врата взяти  
повелеваху:/ с нимиже непрестанно воспойм/ с плотию отонуду паки  
Грядущаго,// яко Судию всех и Бога всесильна.

**Иерей:** **Милостию и щедротами и человеколюбием единороднаго Твоего Сына, с Нимже  
благословен еси, со Пресвятым, и Благим, и Животворящим Твоим Духом, ныне и присно, и  
во веки веков.**

**Хор:** **Аминь.**

**КАНОН:**

**ПЕСНЬ 1:**

**КАНОН ПРАЗДНИКА, ГЛАС 5:**

**Хор:**

**Ирмос:** **Спасителю Богу/ в мори люди немокрыми ногами наставьшему,/ и  
фараона со всеобинством потопльшему,/ Тому Единому поим:// яко  
прославися. *(Дважды)***

**Чтец:**

**Припев:** **Слава, Тебе, Боже наш, слава Тебе**

**Тропарь:** **Воспойм вси людие,/ на рамах херувимских вознесшуся со славою Христу,  
и спосадившему нас одесную Отца,// песнь победную: яко прославися. *(Дважды)***

**Припев:** **Слава, Тебе, Боже наш, слава Тебе**

**Тропарь:** **Ходатая Богу и человеком Христа,/ лица ангельстии видевше, с плотию  
в вышних удивляхуся,// согласно же воспеваху песнь победную: яко  
прославися. *(Дважды)***

**Припев:** **Слава, Тебе, Боже наш, слава Тебе.**

**Тропарь:** Явльшемуся Богу на горе Синайстей,/ и закон давшему боговидцу Моисею,/ от горы Елебнския вознесемуся плотию,// Тому вси воспойм: яко прославися.

**Припев:** Слава, Тебе, Боже наш, слава Тебе.

**Тропарь:** Воскрёсл еси триднёвен, по естеству безсмертный,/ и явился еси единоподесятим, и всем учеником,/ и востёкл еси Христе ко Отцу,// облаком носимь всех Творче.

**Слава Отцу и Сыну и Святому Духу.**

**И ныне и присно и во веки веков, аминь.**

**КАТАВАСИЯ ПЯТИДЕСЯТНИЦЫ, ГЛАС 4:**

**Хор:** Божественным покровён,/ медленозычный мраком,/ извитийствова Богописанный закон:/ тину бо оттряс очесё умнаго,/ видит Сущаго,/ и научается Духа разуму,// хваля Божественными песнями.

**ПЕСНЬ 3:**

**КАНОН ПРАЗДНИКА, ГЛАС 5:**

**Хор:**

**Ирмос:** Силою Креста Твоего Христе,/ утверди моё помышление,/ во еже пети и славити// спасительное Твое вознесение. *(Дважды)*

**Чтец:**

**Припев:** Слава, Тебе, Боже наш, слава Тебе.

**Тропарь:** Возшёл еси Жизнодавче Христе ко Отцу,/ и вознёсл еси род наш Человеколюбче,// неизречённым благоутробием Твоим. *(Дважды)*

**Припев:** Слава, Тебе, Боже наш, слава Тебе.

**Тропарь:** Чини ангельстии Спасе,/ человеческое естество видевше совосходящее Тебе,// непрестанно удивляеми воспеваху Тя.

**Припев:** Слава, Тебе, Боже наш, слава Тебе.

**Тропарь:** Ужасяхуся ангельстии лица Христе,/ зряще Тя с телесем вознесшася,// и воспеваху святое Твое вознесение.

**Припев:** Слава, Тебе, Боже наш, слава Тебе.

**Тропарь:** Естество человеческое, Христе,/ тлением падшее возставил еси,/ и восходом Твоим вознёсл еси,// и с Собою нас прославил еси.

**Сла́ва Отцу́ и Сы́ну и Свято́му Ду́ху.**

**И ны́не и при́сно и во ве́ки веко́в, ами́нь.**

**КАТАВА́СИЯ ПЯТИДЕСЯ́ТНИЦЫ, ГЛАС 4:**

**Хор:** **Разве́рзе утробы́ неча́дствовавшия́ у́зы,/ доса́ду же неудоботерпи́му  
благоча́дствующия́,/ еди́на моли́тва проро́чицы дре́вле А́нны,/**  
**нося́щия́ дух сокруше́н, // к Си́льному, и Бо́гу ра́зумов.**

**ЕКТЕНИЯ́ МА́ЛАЯ:**

**Диáкон:** **Па́ки и па́ки ми́ром Го́споду помóлимся.**

**Хор:** **Го́споди, поми́луй.**

**Диáкон:** **Заступи́, спаси́, поми́луй и сохрани́ нас, Бо́же, Твое́ю благода́тию.**

**Хор:** **Го́споди, поми́луй.**

**Диáкон:** **Пресвяту́ю, Пречи́стую, Преблагослове́нную, Сла́вную Влады́чицу на́шу Богоро́дицу и Присноде́ву  
Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.**

**Хор:** **Тебе́, Го́споди.**

**Иерей:** **Я́ко Ты еси́ Бог наш, и Тебе́ сла́ву воссыла́ем, Отцу́ и Сы́ну и Свято́му Ду́ху, ны́не и  
при́сно и во ве́ки веко́в.**

**Хор:** **Ами́нь.**

**СЕДА́ЛЕН ПРА́ЗДНИКА, ГЛАС 8:**

**Всед на о́блаки небесны́я,/ оста́вив мир су́щим на земли́,/ возше́л и  
сел еси́ одесну́ю Отца́,/ я́ко Единосу́щен Сему́ сый и Ду́ху./ А́ще бо и во  
плóти яви́лся еси́, но непрело́жен пребы́л еси́:/ те́мже ча́еши  
соверше́ния коне́ц,/ суди́ти гряды́й на зе́млю ми́ру всему́./ Правосу́де  
Го́споди, пощади́ ду́ши на́ша,/ прегреше́ний оставле́ние да́руя, // я́ко Бог  
ми́лостив, рабо́м Твои́м.**

**ПЕСНЬ 4:**

**КАНО́Н ПРА́ЗДНИКА, ГЛАС 5:**

**Хор:**

**Ирмос:** **Услы́шах слух си́лы Креста́,/ я́ко рай отве́рзется им/ и возопи́х://  
сла́ва си́ле Твое́й Го́споди. (Дважды)**

**Чтец:**

**Припев:** **Сла́ва, Тебе́, Бо́же наш, сла́ва Тебе́.**

**Тропа́рь:** **Возне́слся еси́ во сла́ве, а́нгелов Царю́,/ Уте́шителя́ нам от Отца́ посла́в./  
Те́мже вопие́м:// сла́ва Христе́ вознесе́нию Твоему́. (Дважды)**

**Припев:** Сла́ва, Тебе́, Бо́же наш, сла́ва Тебе́.

**Тропарь:** Я́ко взы́де Спас ко Отцу́ с плоти́ю,/ удиви́шася Ему́ а́нгельская во́инства, и возопи́ша:// сла́ва Христе́ вознесéнию Твоему́. *(Дважды)*

**Припев:** Сла́ва, Тебе́, Бо́же наш, сла́ва Тебе́.

**Тропарь:** А́нгельския си́лы го́рнейшим вопи́яху:/ врата́ возми́те, Христу́ нашему́ Царю́,// Его́же воспева́ем вку́пе со Отце́м и Ду́хом.

**Припев:** Сла́ва, Тебе́, Бо́же наш, сла́ва Тебе́.

**Тропарь:** Иису́с Жизнода́вец при́им, ихже возлюби́,/ на Елео́нскую го́ру восходи́т,/ и сих благослови́,/ и о́блаком носимь О́тчая не́дра доспе́,// я́же ника́коже оста́вил.

**Сла́ва Отцу́ и Сы́ну и Свято́му Ду́ху.**

**И ны́не и при́сно и во ве́ки веко́в, ами́нь.**

**КАТАВА́СИЯ ПЯТИДЕСЯ́ТНИЦЫ, ГЛАС 4:**

**Хор:** Царю́ царей́,/ Яковый́ от Якова́го еди́н Сло́ве произше́дый,/ от Отца́ безвино́внаго,/ равномо́щнаго Твоего́ Ду́ха апо́столом и́стинно посла́л еси́,/ я́ко Благоде́теля пою́щим:// сла́ва держа́ве Твое́й Го́споди.

**ПЕСНЬ 5:**

**КАНО́Н ПРА́ЗДНИКА, ГЛАС 5:**

**Хор:**

**Ирмос:** У́треннююще вопи́ем Ти/ Го́споди, спаси́ ны:/ Ты бо еси́ Бог наш,// ра́зве бо Тебе́ ино́го не зна́ем. *(Дважды)*

**Чтец:**

**Припев:** Сла́ва, Тебе́, Бо́же наш, сла́ва Тебе́.

**Тропарь:** Исполни́в весéлия вся́ческая Милостиве,// к го́рним си́лам с плоти́ю прише́л еси́. *(Дважды)*

**Припев:** Сла́ва, Тебе́, Бо́же наш, сла́ва Тебе́.

**Тропарь:** А́нгельския си́лы вземле́ма Тебе́ ви́девшие,// врата́, зыва́ху Царю́ нашему́, возми́те. *(Дважды)*

**Припев:** Сла́ва, Тебе́, Бо́же наш, сла́ва Тебе́.

**Тропарь:** Апо́столи ви́девшие возвыша́ема Спа́са,// с трéпетом зыва́ху Царю́ нашему́: сла́ва Тебе́.

**Припев:** Сла́ва, Тебе́, Бо́же наш, сла́ва Тебе́.

**Тропарь:** Умертвѣвъ смерть Твоею́ сме́ртию Го́споди,/ взем ѡ́хже возлюбѣл еси́,/ возше́л еси́ на Ма́сличную го́ру святу́ю,// и оттѹду востѣкл еси́ Христе́ к Твоему́ Родите́лю, о́блаком носѣмь.

**Сла́ва Отцу́ и Сы́ну и Свято́му Ду́ху.**

**И ны́не и прѣсно и во ве́ки веко́в, ами́нь.**

**КАТАВА́СИЯ ПЯТИДЕ́СЯТНИЦЫ, ГЛАС 4:**

**Хор:** Реши́тельное очище́ние грехо́в,/ огнедохнове́нную приими́те Ду́ха ро́су,/ о ча́да светообра́зная церко́вная./ Ны́не от Сио́на бо изы́де зако́н,// языкоогнеобра́зная Ду́ха благода́ть.

**ПЕСНЬ 6:**

**КАНО́Н ПРА́ЗДНИКА, ГЛАС 5:**

**Хор:**

**Ирмос:** Обы́де мя бе́здна,/ гроб мне кит бысть,/ аз же возопѣх к Тебе́ Чело́веколю́бцу,// и спасе́ мя десни́ца Твоя́ Го́споди. *(Дважды)*

**Чтец:**

**Припев:** Сла́ва, Тебе́, Бо́же наш, сла́ва Тебе́.

**Тропарь:** Взыгра́шася апо́столи,/ зря́ще на высоту́ днесь Зиждите́ля вземлема,/ упова́нием Ду́ха,// и стра́хом зовя́ху: сла́ва восхо́ду Твоему́. *(Дважды)*

**Припев:** Сла́ва, Тебе́, Бо́же наш, сла́ва Тебе́.

**Тропарь:** Предста́ша а́нгели,/ вопи́юще Христе́ ученико́м Твои́м:/ ѡ́мже о́бразом ви́десте Христа́ восходя́ща с плоти́ю,// па́ки прии́дет Пра́ведный всех Судия́. *(Дважды)*

**Припев:** Сла́ва, Тебе́, Бо́же наш, сла́ва Тебе́.

**Тропарь:** Я́ко ви́деша Тя Спа́се наш небе́сныя си́лы,/ на высоту́ вземлема с те́лом, взыва́ху, глаго́люще:// вели́ко Влады́ко, чело́веколю́бие Твое́.

**Припев:** Сла́ва, Тебе́, Бо́же наш, сла́ва Тебе́.

**Тропарь:** Да ка́плют нам свѣше́ о́блацы весе́лие ве́чное,/ Христос́ бо, о́блаком я́ко херувѣ́мы носѣ́мый,// к Своему́ Отцу́ восхо́дит днесь.

**Сла́ва Отцу́ и Сы́ну и Свято́му Ду́ху.**

**И ны́не и прѣсно и во ве́ки веко́в, ами́нь.**

**КАТАВА́СИЯ ПЯТИДЕ́СЯТНИЦЫ, ГЛАС 4:**



**Хор:** Очищение нам Христэ/ и спасение Владыко,/ возсиял еси от Девы,/ да яко пророка/ от зверя морскаго персей Ибну,// от тли исхитиши всего Адама всеродна падшаго.

**ЕКТЕНИЯ МАЛАЯ:**

**Диакон:** Паки и паки миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Ты бо еси Царь мира и Спас душ наших, и Тебе славу воссылаем, Отцу и Сыну и Святому Духу, ныне и присно и во веки веков.

**Хор:** Аминь.

**КОНДАК ПРАЗДНИКА, ГЛАС 6:**

Еже о нас исполнив смотрение,/ и яже на земли соединив Небесным,/ вознелся еси во славе, Христэ Боже наш,/ никакоже отлучаяся,/ но пребывая неотступный,/ и вопия любящим Тя:// Аз есмь с вами, и никтоже на вы.

**ПЕСНЬ 7:**

**КАНОН ПРАЗДНИКА, ГЛАС 5:**

**Хор:**  
**Ирмос:** В пещи огненной/ песнословцы спасый отроки,// благословен Бог отец наших. *(Дважды)*

**Чтец:**

**Припев:** Слава, Тебе, Боже наш, слава Тебе.

**Тропарь:** На облацех света вознесыйся, и спасый мир,// благословен Бог отец наших. *(Дважды)*

**Припев:** Слава, Тебе, Боже наш, слава Тебе.

**Тропарь:** На раму Спасе, заблудшее возьм естество, вознесся,// Богу и Отцу привел еси.

**Припев:** Слава, Тебе, Боже наш, слава Тебе.

**Тропарь:** Возшедый во плоти к безплотному Отцу,// благословен Бог отец наших.

**Припев:** Слава, Тебе, Боже наш, слава Тебе.

**Тропарь:** Умерщвленное наше грехом естество возьм,// Твоему свойственному Отцу, Спасе, привел еси.

**Сла́ва Отцу́ и Сы́ну и Свято́му Ду́ху.**

**И ны́не и при́сно и во ве́ки веко́в, ами́нь.**

**КАТАВА́СИЯ ПЯТИДЕ́СЯТНИЦЫ, ГЛАС 4:**

**Хор:** **Согла́сная возшуме́ оргáнская песнь,/ почита́ти златосотворе́нный безду́шный истука́н:/ Уте́шителя же светно́сная благода́ть почеству́ет,/ е́же вопи́ти:// Трѳице Еди́ная, равноси́льная, безнача́льная, благослове́на еси́.**

**ПЕСНЬ 8:**

**КАНО́Н ПРАЗДНИКА, ГЛАС 5:**

**Хор:**  
**Ирмос:** **Из Отца́ пре́жде век рождѣ́ннаго Сы́на, и Бо́га,/ и в послѣ́дняя ле́та воплоще́ннаго от Де́вы Ма́тере,/ священни́цы по́йте,// лю́дие превозноси́те во вся ве́ки. (Дважды)**

**Чтец:**

**Припев:** **Сла́ва, Тебе́, Бо́же наш, сла́ва Тебе́.**

**Тропарь:** **Во двою́ существу́ возлетѣ́вшаго Жизнода́вца Христа́ на небеса́ со сла́вою,/ и Отцу́ соседя́щаго,// священни́цы по́йте, лю́дие превозноси́те во вся ве́ки. (Дважды)**

**Припев:** **Сла́ва, Тебе́, Бо́же наш, сла́ва Тебе́.**

**Тропарь:** **От рабо́ты идо́льския тварь изба́вившаго,/ и предста́вившаго ту свобѳ́дну Твоему́ Отцу́,/ Тебе́ Спа́се поѣ́м,// и Тебе́ превозно́сим во вся ве́ки. (Дважды)**

**Припев:** **Сла́ва, Тебе́, Бо́же наш, сла́ва Тебе́.**

**Тропарь:** **Свои́м схожде́нием низложившаго супоста́та,/ и Свои́м возше́ствием возне́сшаго челове́ки,// священни́цы по́йте, лю́дие превозноси́те во вся ве́ки.**

**Припев:** **Сла́ва, Тебе́, Бо́же наш, сла́ва Тебе́.**

**Тропарь:** **Яви́шася ўмове́ апѳ́столом в вознесе́нии, и веща́ху:/ что взира́юще стоите́ дивя́щася?/ Сей восходя́й в небе́сная,/ придет и па́ки суди́ти и́же на земли́ челове́ком,// Судия́ сый Еди́н.**

**Благослови́м Отца́, и Сы́на, и Свята́го Ду́ха, Го́спода.**

**И ны́не и при́сно и во ве́ки веко́в, ами́нь.**

**КАТАВА́СИЯ ПЯТИДЕ́СЯТНИЦЫ, ГЛАС 4:**

**Хор:** **Хва́лим, благослови́м, покланя́емся Го́сподеви, пою́ще и**

превозносяще во вся веки.

**Разрешает úзы,/ и орошает пламень,/ трисветлый Богоначалия  
Образ:/ поют отроцы,/ благословит же Единого Спаса и Вседетеля,/ яко  
Благодетеля// сотворенная всяческая тварь.**

*На 9-й песни «Честнейшую» не поем.*

**Диакон:** Величай душе моя,/ вознесагося от земли на небо, Христа Жизнодавца.

**ПЕСНЬ 9:**

**ПЕРВЫЙ КАНОН ПРАЗДНИКА, ГЛАС 5:**

**Хор:**

**Ирмос:** **Тя паче ума и словесе, Матерь Божию,/ в лето Безлетного  
неизреченно рождшую,// вернии, единомудренно величаем.**

**Хор:**

**Припев:** **Величай душе моя,// вознесагося от земли на небо, Христа Жизнодавца.**

**Ирмос:** **Тя паче ума и словесе, Матерь Божию,/ в лето Безлетного  
неизреченно рождшую,// вернии, единомудренно величаем.**

**Хор поет припевы:**

**Припев:** **Величай душе моя,// вознесагося от земли на небо, Христа Жизнодавца.**

**Чтец читает тропари:**

**Тропарь:** **Тебе Избавителя мира Христа Бога,/ апостоли видяще Божественно  
возвышаема,// со страхом играюще величаху.**

**Припев:** **Величай душе моя,// вознесагося от земли на небо, Христа Жизнодавца.**

**Тропарь:** **Тебе Избавителя мира Христа Бога,/ апостоли видяще Божественно  
возвышаема,// со страхом играюще величаху.**

**Припев:** **Величай душе моя,// вознесагося от земли на небо, Христа Жизнодавца.**

**Тропарь:** **Твою обожившуюся плоть/ зряще Христе, на высоте ангели,/ друг ко  
другу глаголаху:// воистинну Сей есть Бог наш.**

**Припев:** **Величай душе моя,// вознесагося от земли на небо, Христа Жизнодавца.**

**Тропарь:** **Тебе безплотных чинове Христе Боже,/ на облацех вземлема видяще,  
взываху:// славы Царю, врата возмите.**

**КАТАВАСИЯ ПЯТИДЕСЯТНИЦЫ, ГЛАС 4:**

**Хор:**

**Припев:** **Ангели восхождение Владыки зряще, ужасахуся,// како со славою**

взяться от земли на гóрняя.

**Катавасия:** **Рáдуйся Царице,/ Матеродéвственная славо:/ всяка бо**  
**удобообращáтельная благоглаóливая уста/ витийствовати не мóгут,/ Тебé пéти достóйно:/ низумевáет же ум всяк, Твоé Рождество**  
**разумéти.// Тёмже Тя согла́сно сла́вим.**

**ЕКТЕНИЯ МА́ЛАЯ:**

**Диáкон:** **Па́ки и па́ки ми́ром Гóсподу помóлимся.**

**Хор:** **Гóсподи, помилуй.**

**Диáкон:** **Заступи́, спаси́, помилуй и сохрани́ нас, Бóже, Твоёю благодáтию.**

**Хор:** **Гóсподи, помилуй.**

**Диáкон:** **Пресвяту́ю, Пречистую, Преблагословéнную, Сла́вную Влады́чицу на́шу Богородицу и Приснодéву Марию, со все́ми святы́ми помяну́ше, са́ми себе́ и друг дру́га, и весь живóт наш Христу́ Бо́гу преда́дим.**

**Хор:** **Тебé, Гóсподи.**

**Иерéй:** **Я́ко Ты хва́лят вся си́лы небéсныя, и Тебé сла́ву воссыла́ем, Отцу́ и Сы́ну и Свято́му Ду́ху, ны́не и присно́ и во ве́ки веко́в.**

**Хор:** **Ами́нь.**

**СВЕТИЛЕН ПРАЗДНИКА:**

Учеником зрящим Тя,/ вознёлся еси Христё ко Отцú соседя,/ ангели предтекуще зовяху:/ возмите врата, возмите, // Царь бо взыде к начальному Свету славы.

**ХВАЛИТНЫ ПСАЛМЫ, ГЛАС 1:**

**Хор:** Всякое дыхáние да хвалит Гóспода./ Хвалите Гóспода с небёс,/ хвалите Егó в вы́шних.// Тебé подобáет песнь Бóгу.

Хвалите Егó вси áнгели Егó,/ хвалите Егó вся сýлы Егó.// Тебé подобáет песнь Бóгу.

**Чтец:** Стихиры праздника, глас 1:

**На 4. Стих:** Хвалите Егó на сýлах Егó,/ хвалите Егó по мнóжеству вели́чества Егó.

**Стихира:** А́нгельски иже в ми́ре торжеству́им,/ на престóле славы Бóгу носíмому,/ взывáюще пéние:/ Свят еси́ Отче небéсный,/ Соприсносúщный Сло́ве, // Свят еси́ и Ду́ше Всесвяты́й.

**Стих:** Хвалите Егó во гла́се тру́бнем,/ хвалите Егó во псалти́ри и гýслех.

**Стихира:** Нача́льницы áнгелов смотря́юще, Спа́се, восхожде́ния стра́нное,/ недоумева́хуса друг ко дру́гу:/ что видéние сие?/ Чело́век úбо зра́ком видимый,/ я́коже Бог, превы́ше небёс // с плóтию восхо́дит.

*Глас 2:*

**Сла́ва Отцú и Сы́ну и Свято́му Ду́ху и ны́не и прýсно и во ве́ки веко́в. Ами́нь.**

Родíлся еси́ я́ко Сам восхотёл еси́,/ яви́лся еси́ я́ко Сам изво́лил еси́,/ пострада́л еси́ плóтию Бóже наш,/ из ме́ртвых воскрeсл еси́ попра́в смерть./ Вознёлся еси́ во сла́ве, вся́ческая исполня́й,/ и посла́л еси́ нам Ду́ха Божéственнаго, // е́же воспевáти и сла́вити Твоё Божество́.

**Иерей:** Слава Тебе, показавшему нам свет.

**СЛАВОСЛÓВИЕ ВЕЛÍКОЕ:**

**Хор:** Сла́ва в вы́шних Бóгу, и на земли́ мир, в чело́вечех благоволе́ние. Хва́лим Тя, благослови́м Тя, кла́няем Ти ся, славослóвим Тя, благодарíм Тя, вели́кия ра́ди сла́вы Твоея́. Гóсподи Царю́ Небéсный, Бóже Отче Вседержи́телю, Гóсподи, Сы́не Единоро́дный, Иису́се Христё, и Святы́й Ду́ше. Гóсподи Бóже, А́гнче Бóжий, Сы́не Оте́чь, взéмляй грех ми́ра, поми́луй нас; взéмляй грехи́ ми́ра, приими́ моли́тву на́шу; седя́й одесну́ю Отца́, поми́луй нас. Я́ко Ты еси́ еди́н Свят, Ты еси́ еди́н Гóсподь, Иису́с Христóс, в сла́ву Бóга Отца́. Ами́нь.

**На всяк день благословлю́ Тя, и восхвалю́ И́мя Твоё во ве́ки, и в век ве́ка.**

**С**подоби, Господи, в день сей без грехá сохранитися нам. Благословен еси, Господи, Бóже отец наших, и хвально и прославлено Имя Твое во веки. **А**минь.

**Б**уди, Господи, милость Твоя на нас, якоже уповахом на Тя.

**Б**лагословен еси, Господи, научи мя оправданием Твоим. *(Трижды)*

**Г**осподи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой: яко у Тебе источник живота, во свете Твоем узрим свет. Пробави милость Твою ведущим Тя.

**С**вяты́й Бóже, Святы́й Кре́пкий, Святы́й Безсме́ртный, помилуй нас. *(Трижды)*

**С**лава Отцу́ и Сы́ну и Свято́му Ду́ху и ны́не и прісно и во веки веко́в. **А**минь.

**С**вяты́й Безсме́ртный, помилуй нас.

**С**вяты́й Бóже, Святы́й Кре́пкий, Святы́й Безсме́ртный, помилуй нас.

#### **ТРОПА́РЬ ПРА́ЗДНИКА, ГЛАС 4:**

**В**озне́слся еси́ во сла́ве, Христе́ Бóже наш, / ра́дость сотвори́вый ученико́м, / обетова́нием Свята́го Ду́ха, / извеще́нным им бы́вшим благослове́нием, // яко Ты еси́ Сын Бóжий, Изба́витель ми́ра.

#### **ЕКТЕНИЯ СУГУ́БАЯ:**

**Диáкон:** Помилуй нас, Бóже, по велицей милости Твоей, молим Ти ся, услыши и помилуй.

**Хор:** Господи, помилуй. *(Трижды, на каждое прошение)*

**Е**ще молимся о Великом Господине и Отце нашем Святейшем Патриархе **Кири́лле**, и о Господине нашем Высокопреосвященнейшем митрополите *(или: архиепископе, или: преосвященнейшем епископе илярек)*, и всей во Христе братии нашей.

**Е**ще молимся о Богохранимем стране нашей, властех и воинстве ея, да тихое и безмолвное житие поживем во всяком благочестии и чистоте.

**Е**ще молимся о блаженных и приснопамятных создателях святаго храма сего, и о всех преждепочивших отцев и братьях, zde лежащих и повсюду, православных.

**Е**ще молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святаго храма сего.

**Е**ще молимся о плодоносящих и добродетельных во святем и всечестнем храме сем, трудящихся, поющих и предстоящих людех, ожидающих от Тебе великия и богатыя милости.

**Иерей:** **Я**ко Милостив и Человеколюбец Бог еси, и Тебе славу возсылаем, Отцу́ и Сы́ну и Свято́му Ду́ху, ны́не и прісно и во веки веко́в.

**Хор:** **А**минь.

#### **ЕКТЕНИЯ ПРОСИ́ТЕЛЬНАЯ:**

**Диáкон:** Исполним утреннюю молитву нашу Господеву.

**Хор:** Господи, помилуй.

**Диáкон:** Заступи, спаси, помилуй и сохрани нас, Бóже, Твоею благодатью.

**Хор:** Господи, помилуй.

**Диáкон:** Дне́ всего́ соверше́нна, свята́, мирна́ и безгре́шна у́ Господа́ про́сим.

**Хор:** **Подáй, Гóсподи. (На каждое прошение)**

**Диáкон:** **А́нгела мирна, вёрна наставляника, хранителя душ и телес наших, у Гóспода прóсим.**

**Прощения и оставления грехов и прегрешений наших у Гóспода прóсим.**

**Дóбрых и полéзных душáм нáшим и мíра мíрови у Гóспода прóсим.**

**Прóчее время животá нáшего в мíре и покаянии скончáти у Гóспода прóсим.**

**Христиáнския кончíны животá нáшего, безболéзнены, непосты́дны, мирны и дóбраго отвéта на Стрáшнем Суди́щи Христóве прóсим.**

**Пресвяту́ю, Пречисту́ю, Преблагословенну́ю, Слáвную Влады́чицу нáшу Богорóдицу и Приснодéву Мари́ю, со все́ми святы́ми помяну́вше, сáми себе́, и друг дру́га, и весь живóт наш Христú Бóгу преда́дим.**

**Хор:** **Тебе́, Гóсподи.**

**Иерей:** **Я́ко Благ и Человеколюбец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прýсно и во ве́ки веко́в.**

**Хор:** **Ами́нь.**

**Иерей:** **Мир всем.**

**Хор:** **И ду́хови твоему́.**

**Диáкон:** **Главы́ нáша Гóсподеви приклóним.**

**Хор:** **Тебе́, Господи.**

**Иерей:** **Твое́ бо е́сть, е́же миловати и спасáти ны, Бóже наш, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прýсно и во ве́ки веко́в.**

**Хор:** **Ами́нь.**

**Диáкон:** **Премудрость.**

**Хор:** **Благослови́.**

**Иерей:** **Сый благословен Христóс Бог наш, всегда́, ны́не и прýсно и во ве́ки веко́в.**

**Хор:** **Ами́нь. Утверди́, Бóже, святу́ю правослáвную ве́ру, правослáвных христиáн во век ве́ка.**

**Иерей:** **Пресвятáя Богорóдице, спаси́ нас.**

**Хор:** **Честнэйшую Херувим и Слáвнейшую без сравнения́ Серафим, без истления́ Бóга Сло́ва рóждшую, сущую Богорóдицу, Тя велича́ем.**

**Иерей:** **Сла́ва Тебе́, Христé Бóже, Уповáние нáше, сла́ва Тебе́.**

**Хор:** **Сла́ва, и ны́не. Гóсподи, помилуй. (Три́жды) Благослови́.**

**Отпу́ст.**

**Иерей:** **И́же во сла́ве вознесыйся от нас на Не́бо и одесну́ю седый Бóга и Отца́, Христóс, Истинный Бог наш, моли́твами Пречистыя Своея́ Мáтере, и всех святы́х, помилует и спасёт нас, я́ко Блáг и Человеколюбец.**

**МНОГОЛÉТИЕ**

**Хор:** **Вели́каго Господи́на и Отца́ нáшего Кири́лла, / Святе́йшаго Патриáрха Москóвского и всея́ Руси́, / и Господи́на нáшего (Высо́ко-) Преосвященнейшаго**



(имярек),/ (архи-)епископа (митрополита (титул)),/ богохранимую страну нашу Российскую,/ настоятеля, брата и прихожан святого храма сего/ и вся православныя христиане,// Господи, сохрани их на многая лета.

## СРАЗУ ЧИТАЕТСЯ ПЕРВЫЙ ЧАС:

### ПЕРВЫЙ ЧАС:

**Чтец:** Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

### Псалом 100:

**М**илость и суд воспою Тебе, Господи. Пою и разумю в пути непорочно, когда приидеши ко мне? Прехождах в незлобии сердца моего посреде дому моего. Не предлагал пред очима моима вещь законопреступную: творящая преступление возненавидел. Не прильпел мне сердце строптиво, уклоняющегося от мене лукаваго не познал. Оклеветавшего тай искреннего своего, сего изгонял: гордым оком, и несатым сердцем, с сим не ядях. Очи мои на верныя земли, посаждать я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивал вся грешныя земли, еже потребити от града Господня вся делающыя беззаконие.

**Слава Отцу и Сыну и Святому Духу и ныне и присно и во веки веков. Аминь.**

**Аллилуиа, аллилуиа, аллилуиа, слава Тебе Боже. (Трижды)**

**Господи, помилуй. (Трижды)**

**Слава Отцу и Сыну и Святому Духу.**

### ТРОПАРЬ ПРАЗДНИКА, ГЛАС 4:

**В**ознеслся еси во славе, Христе Боже наш,/ радость сотворивый учеником,/ обетованием Святого Духа,/ извещенным им бывшим благословением,// яко Ты еси Сын Божий, Избавитель мира.

**И ныне и присно и во веки веков. Аминь.**

**Ч**то Ты наречем, о Благодатная? Небо, яко возсияла еси Солнце Правды. Рай, яко прозябла еси цвет нетления Деву, яко пребыла еси нетленна. Чистую Матерь, яко имела еси на святых Твоих объятиях Сына, всех Бога. Того моли спастися душам нашим.

**С**топы моя направи по словеси Твоему и да не обладает мною всякое беззаконие. Избави мя от клеветы человеческия, и сохраню заповеди Твоя.

Лице Твое просвети на раба Твоего и научи мя оправданием Твоим.

**Да** исполнятся уста моя хваления Твоего, Господи, яко да воспую славу Твою, весь день великолепие Твое.

**Трисвято́е.** Пресвятая Троице... **О́тче** наш...

**Иерей:** Яко Твое есть Царство и сила и слава Отца и Сына и Святаго Духа, ныне и присно и во веки веков.

**Чтец:** Ами́нь.

**КОНДАК ПРАЗДНИКА, ГЛАС 6:**

**Е́**же о нас исполнив смотрение,/ и яже на земли соедини в Небесным,/ вознесся еси во славе, Христэ́ Бо́же наш,/ никакоже отлучаяся,/ но пребывая неотступный,/ и вопия любящим Тя:// Аз есмь с вами, и никтоже на вы.

**Господи,** помилуй. *(40 раз)*

**И́**же на всякое время и на всякий час, на Небеси́ и на земли, поклоняемый и славимый, Христэ́ Бо́же, Долготерпеливе, Многомилостиве, Многоблагоутробне, **И́**же праведныя любяй и грешныя милуяй, **И́**же вся зовый ко спасению обещания ради будущих благ. Сам, Господи, прими́ и наша в час сей молитвы и исправи живот наш к заповедем Твоим, души́ наша освяти́, телеса́ очисти, помышления исправи, мысли очисти и избави нас от всякия скорби, зол и болезней, оградí нас святы́ми Твоими́ Ангелы, да ополчением их соблюда́еми и наставля́еми, достигнем в соединение веры и в разум неприступныя Твоея́ славы, яко́ благословен еси́ во веки веков, ами́нь.

**Господи** помилуй. *(Трижды.)*

**Слава Отцу́ и Сыну́ и Святому́ Духу́ и ныне́ и присно́ и во веки веков. Ами́нь.**

**Ч**естнейшую Херувим и славнейшую без сравнения Серафим, без истления́ Бога́ Слова́ рождшую, сущую́ Богородицу, Тя велича́ем.

**И́**менем Господним благослови́, отче.

**Иерей:** Бо́же, ущедри ны и благослови́ ны, просвети́ лице Твое́ на ны и помилуй ны.

**Чтец:** Ами́нь.

**Иерей:** Христэ́, Свёте Истинный, просвеща́яй и освяща́яй всякаго́ челове́ка, грядущаго́ в мир, да зна́менается на нас свет лица́ Твоего́, да в нем у́зрим Свет Неприступный: и исправи́ стопы́ наша́ к деланию́ заповедей Твоих, молитвами Пречи́стыя Твоея́ Ма́тере, и всех Твоих святы́х, ами́нь.

**КОНДАК ПРАЗДНИКА, ГЛАС 6:**

**Е**же о нас исполнив смотрение,/ и яже на земли соединив Небесным,/ вознеслся еси во славе, Христэ Бже наш,/ никакоже отлучаяся,/ но пребывая неотступный,/ и вопия любящим Тя:// Аз есмь с вами, и никтоже на вы.

**Иерей:** Слава Тебэ, Христэ Бже, упование наше, слава Тебэ.

**Хор:** Слава, и ныне: Господи, помилуй. *(Трижды.)* Благослови.

**ОТПУСТ.**

**Иерей:** Иже во славе вознесыйся от нас на Небо и одесную седый Бога и Отца, Христос, Истинный Бог наш, молитвами Пречистой Своей Матере, и всех святых, помилует и спасет нас, яко Благодетель и Человеколюбец.

**Хор:** Господи, помилуй. *(Трижды)*